



RIETVALLEI



## Dube: 17 – 19 Julie 2009

Van ons Seniors het alreeds gedurende die week, ja so vroeg as Maandag, begin naweek hou en die koue getrotseer.

Vrydag het die kamp vroegmiddag al begin vol word met die laaste (maar nie die minste, Hennie en Annamari Engelbrecht) en 'n 15de gesin wat bykans donker gearriveer het.

Daar was maar skepties nadergestaan na die aandete-tafel, wat *Bean Mini Bunny Chow* genoem was, en ja dit is 'n kerrie dis! Maar kan jul glo, heelwat het "seconds" kom haal, terwyl ander maar eerder "seconds" van die sjerrie kom haal het. Eg aan die Rietvalleiers het die koue nie die kuiery gestop nie en lede het tot laatnag gekuier.

Saterdagoggend is lui-lekker begin met die reuke van koffie. Die gesamentlike worsbraai, pap en boontjie-kerriesous as ontbyt het natuurlik vir sy eie reuke gesorg en gou was ander kampeerders ook lus vir hierdie kombinasie!



Nie so baie pap nie Pa, al verjaar jy! (links)



En die kinders nuttig wors, koekies en Coke vir 'n kamp-ontbyt! (regs)

Die dag is verder rustig spandeer met sommiges wat rugby gaan kyk het, ander het gaan stap, geswem in die warm swembad, en of vure aangesteek. Na die boekevat het die Rietvalleiers om hul vure saamgedrom om hul vleise en bykosse gaar te kry, ondanks die kwaai koue wat kop uitgesteek het.



Sondagoggend het Willem en Marnette deurgery (hul kon ongelukkig nie die naweek kamp nie) om vir ons weereens 'n treffende boodskap te lewer. Baie dankie Marnette, hierdie was jou eerste Rietvallei preek as volwaardige dominee – baie geluk weereens met jou onlangse bevestiging.

Ondanks die koue was ons Kampbywoning vir hierdie winterskamp as volg:

- Rietvalleiers 13 gesinne
- Gaste 2 gesinne
- Kinders 8.

## Algemeen:

- Tydens boekevat is daar vir Daan van Vuuren gebid, hy is nog ernstig in die ICU, maar daar is darem al 'n effense beterskap te bespeure, dit terwyl hul seun ook Saterdag getroud is. Baie geluk Daan en Linda.
- Oom Fred en Tannie Lena le Roux het hul uittrede aangedui per onderstaande e-pos skrywe gedateer 14/07/2009:

**“Sent:** Tuesday, July 14, 2009 4:13 PM

**Subject:** Bedanking as lede van Rietvallei

*Middag Klaus,*

*Daar is 'n tyd om te kom en 'n tyd om te gaan. Ons het ons woonwa verkoop en gaan dit nie vervang nie. Daarmee het daar 'n einde gekom aan ons deelname aan kampe saam met Rietvallei.*

*Dit is met leedwese dat ons daarom bedank as lede van Rietvallei en ook van SAWA.*

*Ons opregte dank en waardering vir die aangename tye wat ons saam met julle kon deurbring. Ons beste wense aan al die lede van Rietvallei vir nog baie aangename kampervarings in die toekoms.*

*Ons gaan die samesyn met julle mis. Ons het die Sawa embleem en die Rietvallei “snor” van die karavaan afgehaal en dit is beskikbaar vir enige lid wat dit mag nodig kry.*

*Vriendelike groete*

*Fred en Lena”*



- Saterdagoggend se worsbraai-geselligheid is afgerond met die viering van Oom Willem Momberg se 81ste verjaarsdag. Wat 'n voorbeeld vir ander is die egpaar nie, volwaardige Sawanante (tannie Martie in die agtergrond links). Baie geluk Oom Willem, jy verdien sommer twee sjokolades! As 'straf' omdat hy al die hele week kamp asook die voorreg om op 'n kampnaweek te verjaar, was hy vrywilliglik verplig om die oggend tafelgebed te doen.



- Chris Schulte word byvoorbaat geluk gewens met sy verjaarsdag 05/08/2009 – mag daar nog vele wees Chris.

- Jacqui Wagenaar word herinner dat sy met haar skoonma se seun Jak getroud is en dit moet gevier word op 04/08/2009 – baie geluk julle.



- Later Saterdag oggend het twee dames hul mooi gemaak om saam met hul mans verskillende huweliksbevestigings in Pretoria te gaan bywoon maar hul het darem weer veilig teruggekom om verder te kom ontspan.
- Rietvallei Noordelike Presidente Toer 2010 – Fritz (regs) gee terugvoer en versoek belangstellendes om hom of Lizette te kontak.
- 'n Laeveld Toer word beplan en Janetta Toerien - [janettat@mweb.co.za](mailto:janettat@mweb.co.za) by Streek Wapadrans kan gekontak word vir hierdie Okt 2009 toer.



- 'n Spesiale Aansporingsplaatjie is oorhandig aan Wim en Margriet van den Berg (200 Streek), baie geluk julle twee.



- Die naweek se boekevat is goed bygewoon en is deur Tjaart en Daan gehou, en beide se temas het op "hoop" gedui. Dankie Daan vir jou hulp daarmee.

- Die Koekverkoop het goeie aftrek gekry en was soetend 'n wenner – dit het bykans R400 vir die streekskas ge-in. Baie dankie aan die wat koeke en terte geskenk het.



- Die twee gesinne wat as Jak & Jacqui se gaste saam gekamp het, is op tradisionel manier verwelkom. Hulle is Etienne en Marie de Klerk {foto onder} (3de keer as besoekers en hul het ook nou hul aansoekvorm ingedien)



asook Hannes en Linda Vorster {foto bo} (1ste keer as gaste). Baie welkom julle, ons vertou jul het die naweek saam met ons geniet.

- Jaco en Trix van den Berg het hul tweede dogterjie, Deidre, op 12 Julie 2009 gedoop. baie geluk julle.
- Reinier & Lucille word sterkte toegewens met die naderkoms van hul tweede Rietvalleier.

- Die AJV vind by die volgende Kamp plaas op 08/08/2009 te Bush Baby met Bestuur as Kampkommodante. Ope uitnodiging aan alle lede om daar te wees.
- Die oord was ook besoek deur 2 ander woonwa klubs. Rietvallei het by twee van hierdie klublede komplimente ontvang synde die rustigheid waarmee ons kamp asook die mooi gebaar tydens ons boekevat geselligheid – doen so voort Rietvalleiers!

Alhoewel die ablusieblok en geriewe netjies was, was die oord vol bespreek en het die ablusies asook die kragtoevoer maar gebukkend gegaan onder die verbruik daarvan. As gevolg van die groot hoeveelheid kampeerders wat deur die oord toegelaat word, was die rustigheid waarmee ons Dube leer ken het nie meer daar nie – dit is 'n groot jammerte.

Groete  
Tjaart en Marietjie Klaasen  
SAWA Rietvallei